

山西通志序

欽惟我

皇上體精一之心傳紹唐虞之治統

玉音宸翰如日中天率土臣民大同大順爰

命儒臣修直省通志俾一統志館臣採擇

諄諭制撫務歸詳明用以釐職方廣史乘甚盛典也維山西

密邇

畿輔沐化最親凡諸掌故

臣石麟

誼應博稽精核詳著於

篇以對揚

天子之庥命夫平陽蒲坂聖都也其山川關隘則有太行恒
霍雁門五臺勾注偏頭飛狐倒馬汾澮沁漳滹沱桑乾
之高深而磐固其田壤賦稅土貢物產則有代田露田
祔總粟米青白韋紅之鹽莢權奇倜儻之駿騎其學校
風俗則上庠下庠之制丕煥克儉克勤之思彌深其科
目其官制則有闢門考績之成法其典禮其兵防則有
揆文奮武之良規其於人也前古尚矣厥後理學有王
通經術有劉向史筆有董狐相業有司馬光輩將略有
廉頗輩文章首司馬遷藝術首郭璞若夫壯繆之忠恭

君之孝首陽綿山之苦節凡紀乘所書竹素所垂以至
留碩望於寓賢標芳徽於女史或可躋汾陰秩祀之班
或可應畢昴星之數上下數千年可謂盛哉今聲教
日隆輝前軌後舊志所載誠有待刪潤者

臣石麟

智識

短淺蒙

聖恩巡撫茲地又兼理提督軍務襄斯大典敢不恪共將事

乃偕布政司

臣洞

暨按察司

臣筠

提督學政

臣曙蓀

敦

延耆儔蒐訂經籍昕夕編纂以仰副詳明之

旨會

臣洞

與

臣筠

後先遷秩去

臣

復飭署布政司

臣而遜

署

按察司

臣永椿

分理之計閱三載獲底成編凡爲類得

四十益前志數倍有奇以史釋經以例約史舉典期可
徵諸事徵事期可措諸用不敢存易心不敢挾成見不
敢踵疑以爲信不敢失實以采名不敢以辭夸致繁蕪
不敢以辭略致疎漏不敢以附會爲援證以重複爲參
互不敢以瞻徇成阿私以吹求成屈抑持簡操筆祇敘
厥實全省典物燦然列焉臣幸生明備之盛時得班制
作之末議藉此以擴充見聞爲服政居官之助并使藩
臬郡縣諸臣暨三晉人士考鏡是書尊所聞以獻之

廷庶幾名臣彥士其則不遠贊勲華之景運步廣拜之後
塵卽於是乎在豈與夫山經水注焜耀耳目僅足供口
吟手披已哉開雕工竣恭疏進

呈_臣例得掛名簡端謹序

雍正十二年甲寅三月朔旦巡撫山西都察院右副都

御史_臣覺羅石麟謹序

謹按師古曰志者記也所以積記其事也故天下郡國皆有書蓋本於周官四方之志鄭康成曰說地圖九州形勢所宜告王以施其事說四方久遠之事以告王觀博古所識然則志之一書不綦重哉

臣衡齡

荷蒙

聖恩巡撫茲地每懼奉職不稱旦夕凜凜思惟徵文考獻以資佐治於是考山西舊志則前撫臣覺羅石麟奉

旨修輯積數年之考訂而始成是書也雖視其歲月斷自雍正十二年甲寅迄今七十餘載中間曠焉而全省之典物燦然備著於篇博稽精核誠爲盡善夫

聲教日隆則文物日盛漸摩彌久則風俗彌醇山西拱衛帝畿沐化密邇且經

高宗純皇帝六十年之培養及我

皇上深仁浹洽

久道化成輝前軌後之美不可勝窮固宜取舊志而新之以潤色

太平也然臣才識謏陋不逮前賢且抵任未久咨度難周惟伏念皇上御極之十六年

巡幸五臺爲民錫福臣生值

邳隆遭逢

盛典誼應如古輶軒輯山川民俗爲一書以獻之

廷乃偕提督學政臣周系英布政司臣張映漢按察司臣

陳桂生悉心分理仍晉志之舊而敬加校修其間有增補分註之處如新設之綏遠寧遠諸廳已裁之清源平順等縣則建置沿革數大端不敢就畧此外則校舛正

訛俾是書無魯魚亥豕之誤焉若夫七十餘年間政治
之因革人物之顯晦歲時之水旱豐盈蒐羅殘闕採取
舊聞備述而詳訂之則有待於敦延耆俊博採周諮而
後以因爲創矩後規前一切洪纖巨細悉歸詳明庶幾
存晉土之文獻寶

堯封之盛隆也哉刊竣恭備

御覽臣例得掛名簡端謹序

嘉慶十六年辛未三月朔旦巡撫山西都察院右副都

御史臣衡齡重校謹序

山西通志

纂修職名

總裁

巡撫山西太原等處地方提督顧爾等關事務兼理雲鎮都察院右副御史紀錄五次臣覺羅石麟

監修

原任提督山西學政太常寺少卿今陞通政使司右通政加三級臣朱曙蓀

提督山西學政右春坊右中允兼翰林院編修加二級臣范咸

原任督理河東陝西鹽務陝西布政使司今陞西安巡撫紀錄次臣碩色

督理河東陝西鹽務西安布政使司布政使加臣級臣楊秘

原任山西等處承宣布政使司布政使今陞侍郎銜加九級臣蔣洞

署理山西等處承宣布政使司事務按察使司紀錄三次臣溫而遜

原任山西等處提刑按察使司今陞江西布政使司加一級臣宋筠

署理山西等處提刑按察使司監察御史加二級紀錄二次臣戴永椿

原任河東陝西都轉運鹽使司加勅管鹽法道鹽運使加級臣楊夢揆

河東陝西都轉運鹽使司加勅管鹽法道鹽運使加四級臣程仁圻

協理

山西布政使司叅議分守冀寧道管理驛傳事務紀錄二十七次降一級留任臣孟孫繩

原任山西布政使司叅政分守河東道今調陝西西寧道加級臣楊應琚

山西布政使司叅政分守河東道加一級臣劉毓岳

原任山西布政使司副使分守雁平道革職留任今調直隸口北道臣湯豫誠

山西布政使司副使分守雁平道紀錄三次臣白石

分理

太原府知府臣劉崇元

平陽府知府臣王喬林

潞安府知府臣張光鱗

汾州府知府臣張廷談

大同府知府臣范瑤

朔平府知府臣劉士銘

寧武府知府臣宋廷佐

澤州府知府臣朱樟

蒲州府知府臣周人龍

河東陝西分理鹽務運同臣張廸

遼州知州臣徐三俊

沁州知州臣葉士寬

平定州知州臣郭一裕

忻州知州臣劉澤民

代州知州 臣楊宏志

保德州知州 臣車敏來

解州知州 臣許日熾

絳州知州 臣童紱

吉州知州 臣甘士瑛

隰州知州 臣吳元鈺

提調 臣陸琮

原任太原府同知 臣陸琮

學習進士 臣施作楫

纂修 臣儲大文

原任翰林院庶吉士 臣儲大文

分輯

江南宜興縣附監生

臣葉翥鳳

浙江舉人候補知縣

臣戴永樸

原任臨縣知縣

臣嚴遂成

編次

浙江舉人

臣范大中

署稷山縣知縣

臣蔡長淳

天鎮縣知縣

臣胡元朗

試用知縣

臣曹茂先

試用知縣

臣錢標

署趙城縣知縣

臣黃道坪

署馬邑縣知縣

臣張重振

學習進士

臣王佐登

學

習

進

士

臣

朱

濶

學

習

進

士

臣

蘇

暲

學

習

進

士

臣

阮

汝昭

學

習

進

士

臣

李

鸞

學

習

進

士

臣

梁

卿雲

學

習

進

士

臣

朱

廷掄

校對

河

津

縣

舉

人

臣

張

維鏞

曲

沃

縣

貢

生

臣

賀

華平

崞

縣

貢

生

臣

馮

夢槐

陽

曲

縣

生

員

臣

張

耀先

陽

曲

縣

生

員

臣

賈

坊